

Naalackersuisoqarfiit pisortaqatigiivini suleriaasissaq pillugu kaajallaasitaq

Naalackersuisoqarfiit pisortaqatigiivinit tunngasut

§ 1. Naalackersuisoqarfiit pisortaqatigiivi tassaapput suliassaqarfiit akimorlugit qitiusumik allaffeqarfimmi ataqatigiissaarinermut oqalliseqatigiittartui aamma qitiusumik allaffeqarfimmi pingaarnertut aqutsinermik suliaqartut.

Imm. 2. Suliassaqarfiit akimorlugit pissutsinik naalackersuisoqarfiit pisortaqatigiivi Naalackersuisunut siunnersuisarput, suliffeqarfimmilu suliat isumagineqarnerinut ataqatigiinnernik tamarmiussutimillu pilersitsinissamut ilapittuuteqartarlutik.

Imm. 3. Maannakkut pisut, periusissiat piffissamullu ungasinnerusumut ataatsimoorussamik allaffissornikkut pissutsit naalackersuisoqarfinni pisortaaqatigiit sularisarpaat aalajangiiffigisarlugillu.

Imm. 4. Naalackersuisunit, ataqatigiissarinermut ataatsimiititaliamit aamma ataqatigiissaarisooqatigiinnit suliniutit ataqatigiissarneqarnissaat naalackersuisoqarfinni pisortaaqatigiit qulakkeertarpaat kiisalu Naalackersuisunit Inatsisartunillu aalajangiiffigineqartut sularineqarnissaat qulakkeertarlugu.

Imm. 5. Naalackersuisoqarfiit pisortaqatigiivisa ataatsimiinneranni aalajangikkat allaffeqarfik tamakkerlugu pituttuisuupput.

§ 2. Naalackersuisoqarfiit pisortaqatigiivi tassaapput Naalackersuisut Naalackersuisoqarfini pisortat aamma Naalackersuisut Siulittaasuata Naalackersuisoqarfiani pisortaq.

Imm. 2. Naalackersuisut Siulittaasuata Naalackersuisoqarfiani Naalackersuisoqarfimmut pisortaq Naalackersuisoqarfiit pisortaqatigiivini siulittaasuuvoq. Siulittaasup pinnaanneginnerani Naalackersuisut Siulittaasuata Naalackersuisoqarfiani pisortaq sinniisuuvoq, taassumalu pinnaanneginnerani ataatsimeeqataasut akornanni ataatsimiinnermut aqutsisoq toqqarneqassaaq.

Imm. 3. Naalackersuisoqarfiit pisortaqatigiivini ilaasortaasut saniatigut attaveqatigiinnernik pisortaq aamma HR-imi ineriartortitsinermik pisortaq ataatsimiinnerni aalajangersimasumik peqataasarput. Inuit allat ataatsimiinnernut aamma peqataasinnaanernik Siulittaasoq aalajangiisinaavoq.

Ataatsimiinnerni peqataasussaataaneq aamma sinniisussat

§ 3. Naalackersuisoqarfiit pisortaqatigiivisa ileqquusumik ataatsimiinnerinut pinngitsoorani takkuttussaaffiuvoq. Peqataannginneq ataatsimiinneq sioqqullugu siulittaasumut nalunaarutigineqassaaq.

Imm. 2. Utaqqiisaasumik peqannginnissami sinniisussaq ataatsimiigiaqqusaassanngilaq. Sivilunerusumik peqannginnissami susassaqrfinmeersumik sinniisussamik aalajangersimasumik ataatsimik ataatsimiigiartoqartassaaq.

Imm. 3. Inuit ullut 14-t sinnerlugit utaqqiisaasumik inissisimasut imaluunniit atorffimmut pineqartumut atorfinnissap tungaanut sulisuusut Naalakkersuisoqarfinni pisortaqatigiinni ilaasortanngortinneqassapput.

Imm. 4. Naalakkersuisoqarfiit pisortaqatigiivini ilaasortat pissutsit kinguartinneqarsinnaanngitsut naapertorlugit peqataanissamik periarfissaqanngikkunik, tak. § 5, oqaluuserisassatut immikkoortunut allakkatigut oqaaseqaatinik nassiussisinnaapput.

Ataatsimiinnerit ingerlanneqarnerat:

§ 4. Naalakkersuisoqarfiit pisortaaqatigiivi Inatsisartut ataatsimiinnerisa avataani sisamanngornerit tamaasa nal. 14:00 aamma Inatsisartut ataatsimiinnerisa nalaani tallimanngornerit tamaasa nal. 14:00 Naalakkersuisut Siulittaasuata Naalakkersuisoqarfiani ileqquusumik ataatsimiittarput.

Imm. 2. Ataatsimiinnerit ukioq kaajallallugu sapaatit akunnikkaartumik taamaattorli juuli qaammataa minillugu ingerlanneqartarput.

Imm. 3. Ukiumoortumik ataatsimiinneq siulleq tassaavoq januarimi sisamanngornerit aappaat, aamma ukiumoortumik ataatsimiinneq kingulleq tassaavoq decemberimi sisamanngornerit aappaat.

Imm. 4. Pisariaqarnerani Siulittaasoq immikkut ittumik ataatsimiinnissamut aggersaassaaq.

Oqaluuserisassat imaqarniliornerlu

§ 5. Naalakkersuisoqarfiit pisortaqatigiivi ileqquusunik ataatsimiinnerinut aalajangersimasumik oqaluuserisassanut immikkoortut uku ilaatinneqartassapput:

- 1) Ataatsimiinnermut pineqartumut oqaluuserisassat kiisalu ataatsimiinnerup siuliani imaqarniliaq akuerineqarnerat.
- 2) Naalakkersuisunut ilasortat aamma naalakkersuisoqarfiit pisortaqatigiivisa suliassat takkukkumaartut pillugit ilisimatitsissuteqarneq
- 3) Naalakkersuisuni ataatsimiinnermi kingullermi immikkoortut pillugit ilisimatitsissuteqarneq.
- 4) Siunnersuutit tiguneqartut.
- 5) Susassaqrfiit akimorlugit pissutsinik ilisimatitsissuteqarnerit

Imm. 2. Ileqquusumik ataatsimiinnerit tamaasa aalajangiinernut imaqarniliaq suliarineqartassaaq.

Imm. 3. Naalakkersuisoqarfiit pisortaqatigiivisa ataatsimiinnerata siulianit imaqarniliamut missingiut ataatsimiinnissamut tullermut ullormut oqaluuserisassanut ilanngullugu nassiunneqassaaq, tak. § 6, imm. 4.

Imm. 4. Imaqarniliaq akuerineqareerpat naalakkersuisoqarfiit pisortaasa aalajangiinermut imaqarniliaq naalakkersuisoqarfinni agguaassinnaavaat.

Imm. 5. Ileqquusumik ataatsimiinneq siulleq qaammatit tamaasa immikkoortunik makkuninnga annertusineqassaaq:

- 1) Aaqqissuussaaneq, aqutsineq atugarissaarnerlu

Imm. 6. Immikkoortoq annertusisaq, tak. imm. 5. suliarineqalerpat, naalakkersuisoqarfiit pisortai Naalakkersuisullu Siulittaasuata Naalakkersuisoqarfiani pisortaq kisimik peqataassapput aamma imaqarniliortoqassanngilaq.

Allatseqarfik, ataatsimiinnernut atortussat il.il.

§ 6. Allattoqarfiup ingerlanneqarnera Naalakkersuisut Siulittaasuata Naalakkersuisoqarfianit isumagineqassaaq Naalakkersuisut Siulittaasuata Naalakkersuisoqarfiani pisortaq aqutsisoralugu.

Imm. 2. Ullormut oqaluuserisassanut ilannguttussat kiisalu taakkununga atortussat tunniunneqarnerat allattoqarfimmut kingusinnerpaamik ataasinngornermi nal. 16:00 sioqqullugu DCGRUPPEN@nanoq.gl-mut tunniunneqassapput.

Imm. 3. Ullormut oqaluuserisassanut immikkoortut ilanngunneqarsinnaapput, piumasaqaatinik makkuninnga naammassinnittut:

- 1) Naalakkersuisoqarfiit pisortaaqatigiivisa siunertarisaannut attuumassuteqartut, tak. § 1.
- 2) Peqataasunit tamanit imaluunnit amerlanernit soqutigineqarnissaa piumasarineqarpoq.
- 3) Allami pitsaanerusemik aaqqinneqarsinnaanngilaq.

Imm. 4. Ataatsimiinnissanut tullermut ullormut oqaluuserisassat atortussallu allattoqarfimmit marlungornerit tamaasa nassiussuunneqassapput.

Imm. 5. Tunniussinissamut piffissaliussaq kingoqqullugu oqaluuserisassallu nassiutereernerisigut immikkoortut tuaviuussassatut pissusillit oqaluuserisassanut ilanngunneqarnissaat siulittaasup akuerisinnaavai.

Kaajallaasitap aaqqissuuteqqinnera

§ 7. Kaajallaasitap matuma imarisai ukiut tamaasa qaammatit pingasut siulliit iluanni naalakkersuisoqarfiit pisortaaqatigiivinit nalilersugassanngorlugit qaqinneqartassapput.

Atortuulersitsinermut aamma ikaarsaariarnermi aalajangersakkat

§ 8. Manna kaajallaasitap ulloq 1. februaari 2024 atuutilissaaq.

Imm. 2. Peqatigitillugu naalakkersuisoqarfiit pisortaaqatigiivini suleriaasissaq pillugu kaajallaasitap 16. aggusti 2022-meersoq atorunnaarsinneqarpoq.

§ 9. Ulloq 4. decembari 2024 naalakkersuisoqarfiit pisortaaqatigiivini ataatsimiinnermi taamaalillugit akuerineqarpoq.

Naalakkersuisut Siulittaasuata Naalakkersuisoqarfia, ulloq 23. februaari 2024

Hans-Peder Barlach Christensen (atsior.)

Naalakkersuisoqarfimmi pisortaq

/ Simigaq Broberg (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut